

Muma Maler mar nyithindo
Kelonu



Polo, Dala
Nyasaye
Maber



Ondike gi: Edward Hughes

Piche ogor gi: Lazarus
Alastair Paterson

Otene gi: Sarah S.

Oloke e dholuo gi: Ouma Grace


Ogole gi: Bible for Children
www.M1914.org

©2020 Bible for Children, Inc.

Laisens: Oyieni kopo kata goyo chapa sigana ni, to ok oyieni use.



Kane Yesu odak e pinyka, nonyiso jopuonjrene wach Polo. Ne oluonge ni, "Dala Wuora", kendo nowacho ni nitiere udi mang'eny. Ot mane Yesu wuoyoe, en dala maber maduong'. Polo duong' ahinya kendo ber molojo dala moro amora e piny ka.



Yesu nowacho ni, "Adhi mondo alosnu kar dak. Ka asedhi mi alosonu kar dak, to anaduog omou, mondo un bende udag Koda. Yesu nodhi e Polo bang' chier koa kuom joma otho. Yesu ne oter malo e polo ka jopuonjre ne ng'ie, mi olal negi nono e bor polo, ka girango kaka odhi.




Nyaka chakre kanyo, jo-Kristo osiko kaparo singo mane Yesu osingonegi ni obiro duogo omo joge. Yesu nowachoni obiro biro apoya nono kaji ok ong'eyo. To jo-Kristo ma otho ka Yesu pok oduogo to bet nade? Muma wacho ni gidhi achiel kachiel bedo gi Yesu. Bedo maonge kuom ringruok en dak kaachiel gi Ruoth.



BEDO KAACHIEL
GI RUOTH



Kitabu mogik e Muma Maler, ma en Fweny,
nyisowa kaka Polo en kama ber miwuoro. To gima
berie moloyo, en ni en kama ber ahinya, kar dak mar
Nyasaye. Nyasaye ni kuonde duto, katakamano
lochne ni e Polo malo.




Malaike gi chwech mag polo
mamoko lamo Nyasaye me Polo
malo. Kanyakla gi jo Nyasaye
ma osetho modhi e Polo malo.
Giwero wende mamit mag pak
ni Nyasaye.




Eri weche moko ma oa e wer achiel ma giwero:
IN EMA IWINJORI NIKECH REMBI EMA NE
ING'IEWOGO NI NYASAYE JI
MOA E DHOUDI DUTO KENDO
MOA E OGENDNI DUTO MI
IMIYO GIBEDO ROUDHI
GI JODOLO
MATIYO NI
NYASACHWA.
(Fweny 5:9)




Kalatese mogik e Muma Maler wuoyo kuom Polo kaka "Jerusalem Manyien". En kama duong' kendo duong' ahinya, gi ohinga mabor ahinya oko mare. Ohinga en mar kidi manengone tek kaka jasper, marieny karangi maler.




Mise mar ohinga mar dalano, no los gi kite ma nengogi tek mopogore opogore marieny kendo mil miwuoro. Rangach ka rangach mar dalano no los gi lulu achiel maduong'ahinya.




Dhorangeyego madongo mag lulu ok lor. Wadonj uru iye mondo warangie ... BER! Dalano olos gi dhahabu lilo, marieny ka rang'i. Kata yor dalano bende olos gi dhahabu.




Aora maber, mar pi ngima marieny ahinya mol koa e kom duong' mar Nyasaye. To e bath aorano koni gi koni, nitie yath mar ngima, ma ne okuongo yudore e puodho mar Eden. Yadhni en yath mowal ahinya. Onyago olembe kido apar gariyo, kit olemo mopogore dwe ka dwe. Pot yadhno mar ngima ema ithiedhogo ogendini duto.



Polo ok dwar chieng' kata dwe mondo omiye ler.
Duong' mar Nyasaye pong'e gi ler maber miwuoro.
Onge Otieno kata matin.




Kata le manie Polo opogore. Giduto gimuol kendo gihero ji. Ondiegi gi nyithi rombe chamo lum kachiel. Kata sibuoche chamo lum kaka dhok. Ruoth Nyasaye wacho niya, "Ok gini hiny kata gimoro amora e Got Mara maler."



Kawarango malong'o, waneno ni nitiere gik ma ok yudre e Polo. Weche mag ich wang' ok winj kuno kata matin.




Onge ng'ama jagwondo kata ng'ama gore gi nyawadgi.
Onge kifunde e dho udi, nikech jokwoge onge e Polo.
Onge jomriambo, jonek,
jojuogi, kata jok
matimbegi
galagala.
Onge
richo
moro
amora
e Polo.



Onge pi wang' e Polo ka
Nyasaye. Samoro, jo
Nyasaye ywak nikech
lit ma gineno e piny ka.
E Polo, Nyasaye noywe
pi wang'gi duto.




Kata tho bende onge e Polo. Jo Nyasaye nobed gi Ruoth Nyasaye nyaka chieng'. Kuyo, ywak, kata lit onge. Onge tuoche, onge goyo oriti, onge yik. Ji duto mor nyaka chieng' gi Nyasaye e Polo.



Maber mogik, Polo en mar nyiri gi yawuoyi (gi jomadongo bende) ma ose yie kuom Yesu Kristo kaka Jawar mar gi to kendo orito chikene kaka Ruodhgi. E Polo nitiere kitabu miluongo ni kitap Nyarombo mar ngima. Opong' gi nyinge ji. Be ing'eyo nyinge ji mondik e iye? Ji duto moketo geno gi kuom Yesu. Be nyingi ni kanyo?



Weche mogik e Muma Maler mawuoyo kuom Polo gin weche mabeyo mag luong moluongwa godo. "Roho gi Miaha wachoni, 'Bi!' Ng'ama owinjo bende mondo owach ni 'Bi!' To ng'ama riyo oloyo mondo obi oyud pi mar ngima nono, mak ochulo gimoro."



Polo, Dala Nyasaye Maber

Sigana ma owuok kuom Wach Nyasaye,
maen Muma Maler

yudore e

Yohana 14; 2 Jo-Korintho 5;
Fweny 4, 21, 22

"Tiend wacheni koel, to kelo ler."
Zaburi 119:130



Giko



Sigana mar Muma Malerni puonjowa kuom
Nyasaye Hono mane ochueyowa kendo dwaro mondo wang'eye.

Nyasaye ong'eyo ni wasetimo gik ma ok beyo, ma Oluongo ni richo. Kum mar richo en tho, to Nyasaye oheri ahinya omiyo nooro wuode ma miderma, Yesu, mondo otho e Msalaba kendo okaw kum mar richowa. Bang'e, Yesu nochier kendo nodhi e Polo! Ka iyie kuom Yesu kendo ikuaye mondo oweni richoni, obiro weyoni! Obiro donjo sani ei chunyi kendo odak kodi, in bende ibiro dak Kode nyakachieng'.

Ka iyie ni ma en adieri, wachne Nyasaye kama:
Jahera Yesu, ayie ni In Nyasaye, mane odoko dhano kendo otho ne richona, to koro ingima kendo. Akwayi ni idonj ei chunya, kendo iwena richona, mondo abed gi ngima manyien sani, mondo chieng' moro achiel adhi adag kodi nyakachieng'. Konya mondo awinj Wachni kendo adag kaka Nyathini. Amin.

Som Muma Maler kendo wuo gi Nyasaye pile ka pile!
Yohana 3:16

